

სახელმწიფო შესყიდვების ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/
ხელშეკრულება №
სახელმწიფო შესყიდვის შესახებ

„სახელმწიფო შესყიდვების შესახებ“ საქართველოს კანონის და სატენდერო წინადადების საფუძველზე, ელექტრონული ტენდერის ჩატარების შედეგად

წინამდებარე ხელშეკრულება დადებულია „ “ 2019 წ. თბილისი.

ერთი მხრივ, **სახელმწიფო აუდიტის სამსახური**, წარმოდგენილი გენერალური აუდიტორის მოადგილის დავით გოგიჩაიშვილის სახით (შემდგომში შემსყიდველი)

მისამართი: ქ. თბილისი, წმიდა ქეთევან დედოფლის გამზირი №96

საიდენტიფიკაციო კოდი: 202051956

საბანკო რეკვიზიტები: ქ. თბილისი, „სახელმწიფო ხაზინა“

ბანკის კოდი: TRESGE22;

ანგარიშსწორების ანგარიში: GE24NB0330100200165022

და მეორე მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),
მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“** (შემდგომში „ხელშეკრულება“) „შემსყიდველსა“/„დამზღვევსა“ და „მიმწოდებელს“/„მზღვეველს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“** – საერთო თანხა, რომელიც უნდა გადაიხადოს „შემსყიდველმა“/„დამზღვევმა“ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“** – კალენდარული დღე, კვირა, თვე.
- 1.4. „შემსყიდველი“/„დამზღვევი“** – ორგანიზაცია, რომელიც ახორციელებს შესყიდვას.
- 1.5. „მიმწოდებელი“/„მზღვეველი“** – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „დაზღვეული“** – „შემსყიდველთან“/„დამზღვევთან“ შრომით ურთიერთობაში მყოფი პირი, რომელთა მიმართაც ხორციელდება დაზღვევა და რომელთა სია მოცემულია წინამდებარე ხელშეკრულების დანართ N1-ში.
- 1.7. „მოსარგებლე“** – დაზღვეული ან პირი, რომელიც წინამდებარე ხელშეკრულებისა და საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება;
- 1.8. „თანამშრომლები“** – „შემსყიდველთან“/„დამზღვევთან“ შრომით ურთიერთობაში მყოფი პირები, რომლებიც ჩამოთვლილი არიან დანართ N1-ში;
- 1.9. „სადაზღვევო თანხა“** – წინამდებარე ხელშეკრულებასა და ბარათში მითითებული ანაზღაურების მაქსიმალური ლიმიტი, რომლის ფარგლებშიც „მიმწოდებელი“/„მზღვეველი“ კისრულობს ვალდებულებას გასცეს სადაზღვევო ანაზღაურება ხელშეკრულების პირობების შესაბამისად;

1.10. “სადაზღვევო ბარათი/პოლისი” – განხორციელებული დაზღვევის დამადასტურებელი დოკუმენტი, რომელიც დაზღვეულს აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება, წინამდებარე ხელშეკრულებით გათვალისწინებული პირობებითა და ოდენობით;

1.11. “სადაზღვევო ანაზღაურება” – თანხა ან მომსახურება, რომელიც „შემსყიდველისგან“/“მზღვეველისგან” ეკუთვნის “დაზღვეულს”/“მოსარგებლეს” “სადაზღვევო შემთხვევის” დადგომისას;

1.12. “სადაზღვევო პრემია” – „შემსყიდველის“/“დამზღვევის“ მიერ გადასახდელი თანხა, რომლის ოდენობა და გადახდის წესი განსაზღვრულია წინამდებარე ხელშეკრულებით და რომელიც წარმოადგენს „მიმწოდებლის“/“მზღვეველის“ მიერ გასაწევი სადაზღვევო მომსახურების საფასურს;

1.13. “სადაზღვევო შემთხვევა” – ფაქტობრივად დამდგარი შემთხვევა, როდესაც წინამდებარე ხელშეკრულება ითვალისწინებს „მიმწოდებლის“/“მზღვეველის“ მიერ “დაზღვეულის”/“მოსარგებლის“ მიმართ “სადაზღვევო ანაზღაურების” გადახდას;

1.14. „ტერიტორიული ლიმიტი“ – ტერიტორია, რომელზეც ვრცელდება წინამდებარე ხელშეკრულებით გათვალისწინებული დაზღვევა; წინამდებარე ხელშეკრულებით დაზღვევის ტერიტორიად განისაზღვრება მხოლოდ საქართველო (გარდა კონფლიქტური რეგიონებისა); სამოგზაურო დაზღვევის შემთხვევაში, დაზღვევის მოქმედების ტერიტორია განისაზღვრება კონკრეტული სამოგზაურო დაზღვევის ბარათით (პოლისით);

მუხლი 2 ხელშეკრულების საგანი

2.1. ხელშეკრულების საგანია სახელმწიფო აუდიტის სამსახურის 320 თანამშრომლისათვის ჯანმრთელობის დაზღვევის მომსახურების გაწევა ამ ხელშეკრულებით გათვალისწინებული პირობებით (შემდგომში – მომსახურება) (CPV 66510000).

2.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში და სატენდერო წინადადებაში.

2.3. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

- ა) წინამდებარე ხელშეკრულება;
- ბ)

მუხლი 3. ხელშეკრულების ღირებულება

3.1. ხელშეკრულების ჯამური ღირებულება შეადგენს: ლარს.

3.2. ინდივიდუალური (თანამშრომლის) პაკეტის (პრეისკურანტის დაზუსტებული) სადაზღვევო პრემიის ღირებულება შეადგენს თვეში: ლარს (თანამშრომლის საგადასახადო კოდექსით გათვალისწინებული საშემოსავლო გადასახადი არ არის გათვალისწინებული მომსახურების შესყიდვის სავარაუდო ღირებულებაში.)

3.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ „მიმწოდებლის“/“მზღვეველის“ ყველა ხარჯს.

მუხლი 4. მომსახურების მოწოდების ვადები და ადგილი

წინამდებარე ხელშეკრულებით გათვალისწინებული მომსახურების გაწევა მიმწოდებელმა/“მზღვეველმა” უნდა განახორციელოს ხელშეკრულების გაფორმების დღიდან 2020 წლის 1 იანვრიდან 2020 წლის 31 დეკემბრის 24:00 საათის ჩათვლით პერიოდში.

მუხლი 5. მომსახურების ხარისხი და გარანტია

- 5.1. „მიმწოდებელი“/„მზღვეველი“ იძლევა გარანტიას, რომ გაწეული მომსახურება იქნება ხარისხიანი.
- 5.2. „მიმწოდებელი“/„მზღვეველი“ ვალდებულია შეტყობინების მიღებისთანავე განახორციელოს წუნდებული მომსახურების შეცვლა „შემსყიდველის“/„დამზღვევის“ მხრიდან რაიმე დამატებითი დანახარჯის გაწევის გარეშე.
- 5.3. „მიმწოდებლის“/„მზღვეველის“ მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, „შემსყიდველს“/„დამზღვევს“ უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს „მიმწოდებელს“/„მზღვეველს“ შესაბამისი ხარჯების ანაზღაურება.

მუხლი 6. ხელშეკრულების შესრულების კონტროლი

- 6.1. „შემსყიდველს“/„დამზღვევს“ ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) „მიმწოდებლის“/„მზღვეველის“ მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 6.2. „მიმწოდებელი“/„მზღვეველი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

- 7.1. შესყიდვის ობიექტის მიღება-ჩაბარება განხორციელდება, „შემსყიდველის“/„დამზღვევის“ და „მიმწოდებლის“/„მზღვეველის“ უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.2. მომსახურება, ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 7.3. მომსახურების (მისი ნაწილის) მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“/„მზღვეველი“.
- 7.4. „შემსყიდველი“/„დამზღვევი“ ვალდებულია დროულად აცნობოს „მიმწოდებელს“/„მზღვეველს“ საბოლოო შემოწმების შედეგები დაწუნებული მომსახურება, წუნდების მიზეზის მითითებით.

მუხლი 8. ანგარიშსწორება

- 8.1. ანგარიშსწორება მოხდება უნაღდო ანგარიშსწორებით ლარში, ფაქტიურად დაზღვეული თანამშრომლების ოდენობის მიხედვით (დაზღვევის პოლისების შესაბამისად).
- 8.2. ანგარიშსწორება მოხდება ეტაპობრივად, მიღება-ჩაბარების აქტის გაფორმებიდან და „მიმწოდებლის“/„მზღვეველის“ მიერ წარმოდგენილი მომსახურების ღირებულების ამსახველი დოკუმენტის – ინვოისის წარმოდგენიდან არაუგვიანეს 10 დღის განმავლობაში.
- 8.3. წინასწარი ანგარიშსწორება (ავანსი) არ გამოიყენება.

მუხლი 9. ფასები

- 9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა).
- 9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორსმაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორსმაჟორული გარემოებების შედეგი;

10.2. ამ ხელშეკრულების მიზნებისათვის ფორსმაჟორი ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან კავშირში და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება ასევე შეიძლება გამოწვეული იქნას ომით, ეპიდემიით ან სხვა სტიქიური უბედურებით;

10.3. ფორსმაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს დოკუმენტურად დასაბუთებული წერილობითი შეტყობინება ასეთი გარემოებების და მათი გამომწვევი მიზეზების შესახებ.

10.4. წინამდებარე ხელშეკრულების 10.3. პუნქტით გათვალისწინებული გარემოების დადგომისას მხარეები უფლებამოსილი არიან ხელშეკრულების შესაბამისად, შეცვალონ ან შეწყვიტონ ხელშეკრულების პირობები, სრულად შეწყვიტონ წინამდებარე ხელშეკრულება.

მუხლი 11. მხარეთა ურთიერთობა

11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას (მათ შორის ელექტრონული ფორმით);

11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება, გარდა იმ შემთხვევისა, თუ შეტყობინებით ან წინამდებარე ხელშეკრულებით დადგენილი არ არის შეტყობინების ძალაში შესვლის განსხვავებული ვადა.

მუხლი 12. მხარეთა უფლება-მოვალეობები.

12.1. „შემსყიდველი“/„დამზღვევი“ უფლებამოსილია:

12.1.1. ნებისმიერ დროს განახორციელოს „მიმწოდებლის“/„დამზღვევის“ მიერ ნაკისრი ვალდებულებების შესრულებისა და ხარისხის ინსპექტირება;

12.1.2. სადაზღვევო შემთხვევის დადგომისას მოითხოვოს „მიმწოდებლის“/„დამზღვევის“ მიერ სადაზღვევო ანაზღაურების გაცემა წინამდებარე ხელშეკრულებით დადგენილი წესით;

12.1.3. მოითხოვოს „მიმწოდებლის“/„დამზღვევის“ მიერ წინამდებარე ხელშეკრულებით, დაზღვევის პირობებითა და შესაბამისი სადაზღვევო პოლისებით ნაკისრი ვალდებულებების სრული და განუხრელი შესრულება.

12.1.4. მოახდინოს დაზღვეულ პირთა რაოდენობის ცვლილება წინამდებარე ხელშეკრულებით გათვალისწინებული წესით.

12.2. „შემსყიდველი“/„დამზღვევი“ ვალდებულია:

12.2.1. უზრუნველყოს „მიმწოდებლის“/„მზღვეველის“ მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

12.2.2. ჯეროვნად შეასრულოს მასზე წინამდებარე ხელშეკრულებითა და მისი დანართებით დაკისრებული ვალდებულებები.

12.2.3. დაზღვეულთა სიაში ცვლილებების შეტანის შესახებ მიაწოდოს ინფორმაცია „მიმწოდებელს“/„მზღვეველს“ წერილობითი ფორმით, რომელიც ხელმოწერილი იქნება შესაბამისი უფლებამოსილი პირის მიერ.

12.3. „მიმწოდებელი“/„მზღვეველი“ უფლებამოსილია:

12.3.1. მოსთხოვოს „შემსყიდველს“/„დამზღვევს“ მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

12.3.2. მოსთხოვოს „შემსყიდველს“/„დამზღვევს“ წინამდებარე ხელშეკრულებით ნაკისრი მათი შესაბამისი ვალდებულებების ჯეროვანი შესრულება;

12.3.3. არ აანაზღაუროს ის სადაზღვევო შემთხვევა (ხარჯი), რომელიც არ არის გათვალისწინებული წინამდებარე ხელშეკრულების დანართი N2-ით და/ან ხვდება გამონაკლისთა ნუსხაში;

12.3.4. განახორციელოს ნებისმიერ სამედიცინო დაწესებულებაში დაზღვეულისთვის გაწეულ სამედიცინო მომსახურებასთან დაკავშირებული ნებისმიერი სამედიცინო და ფინანსური დოკუმენტაციის ინსპექტირება/შემოწმება და შესწავლა;

12.4. „მიმწოდებელი“/„მზღვეველი“ ვალდებულია:

12.4.1. გასწიოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულებისა და მისი დანართების პირობები იმ ვადაში, რომელიც მითითებულია წინამდებარე ხელშეკრულებაში;

12.4.2. თუკი წინამდებარე ხელშეკრულებით გათვალისწინებული მომსახურება არ აღმოჩნდება სრულყოფილი, „შემსყიდველის“/„დამზღვევის“ მოთხოვნისთანავე გამოასწოროს ეს ნაკლი.

12.4.3. გადასცეს „შემსყიდველს“/„დამზღვევს“ სადაზღვევო პოლისები წინამდებარე ხელშეკრულებით გათვალისწინებული დაზღვეულ პირთა სიის მისთვის დამზღვევის მიერ მიწოდებიდან 10 (ათი) კალენდარული დღის განმავლობაში; წინამდებარე ხელშეკრულების ძალაში შესვლიდან „მიმწოდებლის“/„მზღვეველის“ მიერ „შემსყიდველისთვის“/„დამზღვევისთვის“ სადაზღვევო პოლისების გადაცემამდე პერიოდში, დაზღვეულები უფლებამოსილნი არიან მიიღონ წინამდებარე ხელშეკრულებით განსაზღვრული მომსახურება, ამავე ხელშეკრულებით დადგენილი წესით.

12.4.4. დროულად და სრულად გასცეს სადაზღვევო ანაზღაურება დაზღვეულზე ხელშეკრულებით განსაზღვრული პირობების შესაბამისად.

მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის

13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;

13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულების პირობები;

13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება.

13.4 წინამდებარე ხელშეკრულების პირობების დარღვევის შემთხვევაში (მათ შორის, ვალდებულების შესრულების ვადაგადაცილების დროს), მიმწოდებელს ეკისრება პირგასამტეხლო, ხელშეკრულების საერთო ღირებულების 5%-ის ოდენობით;

13.5. ხელშეკრულების ნაწილობრივ შესრულების შემთხვევაში, შემსყიდველი უფლებამოსილია მიმწოდებელს დააკისროს პირგასამტეხლო - შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

13.6 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.02% პროცენტი.

13.7 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 14. გადასახადები და ბაჟები

„მიმწოდებელი“/„მზღვეველი“ პასუხს აგებს შესყიდვის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

მუხლი 15. ხელშეკრულების შესრულების გარანტია

15.1. ხელშეკრულებაში შესრულების უზრუნველყოფად გამოყენებულია მიმწოდებლის მიერ წარმოდგენილი საბანკო გარანტია მთლიანი სახელშეკრულებო თანხის 2 (ორი) პროცენტის ოდენობით, რომლის ვადა 30 (ოცდაათი) დღით აღემატება, ხელშეკრულების მოქმედების ვადას.

15.2. საბანკო გარანტია მიმწოდებელს დაუბრუნდება:

15.2.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;

15.2.2. საქართველოს კანონმდებლობით განსაზღვრულ შემთხვევებში.

მუხლი 16. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2021 წლის 31 იანვრის ჩათვლით.

მუხლი 17. ხელშეკრულებაში ცვლილებების შეტანა

17.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

17.2. ხელშეკრულების პირობების ნებისმიერი ცვლილება, გარდა თანამშრომელთა სიის კორექტირებისა და პროვაიდერი კლინიკების ჩამონათვალისა უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

17.3. დაზღვეულ თანამშრომელთა სია, ელექტრონული ფორმით გადაეცემა მზღვეველს, ხელშეკრულების გაფორმების დღიდან არაუგვიანეს 2019 წლის 25 დეკემბრისა.

17.3. თანამშრომელთა სიის კორექტირება (ზრდა ან კლება 320 თანამშრომლის ფარგლებში) განხორციელდება წერილის საფუძველზე და მხარეების მიერ გამოყოფილი უფლებამოსილი წარმომადგენლების მიერ. აღნიშნული ცვლილება არ განიხილება როგორც ხელშეკრულების პირობის ცვლილება. წინამდებარე ხელშეკრულების მიხედვით, „დაზღვევის პირობები“ თითოეულ „დაზღვეულზე“ გავრცელდება („დაზღვეული“ პირი ჩაითვლება დაზღვეულად), ან დაზღვეულთა სიიდან „დაზღვეული“ ამოღებული იქნება „მიმწოდებლის“/„მზღვეველის“ მიერ „შემსყიდველის“/„დამზღვევის“ მხრიდან შესაბამისი წერილობითი შეტყობინების მიღების მომდევნო სამუშაო დღიდან.

მუხლი 18. ხელშეკრულების შეწყვეტა

18.1. ხელშეკრულება შეიძლება შეწყდეს:

ა) მხარეთა წერილობითი შეთანხმებით;

ბ) ხელშეკრულების ვადის გასვლის გამო;

გ) მიმწოდებლის მიერ მომსახურების გაწევის ვადების 15 კალენდარული დღით დარღვევის შემთხვევაში (ცალმხრივად შეწყვეტის საფუძველი),

დ) 13.4. და 13.5 პუნქტებით გათვალისწინებული პირგასამტეხლოს დაკისრების შემთხვევაში შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

18.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 19. დავების განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 20. დამატებითი პირობები

20.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

20.2. მხარე უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

20.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

20.4 ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი „მიმწოდებელს“/„მზღვეველს“, ერთი ეგზემპლარი „შემსყიდველს“/„დამზღვევეს“).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის დასაწყისში მითითებულ დღესა და წელს.

მხარეთა ხელმოწერები:

„შემსყიდველის“/„დამზღვევეის“ მხრიდან:

„მიმწოდებლის“/„მზღვეველის“ მხრიდან:

დავით გოგიჩაიშვილი _____

გენერალური აუდიტორის მოადგილე

დირექტორი

ბ.ა.

ბ.ა.